

# BESTELAKO XEDAPENAK

## LURRALDE PLANGINTZA, ETXEBIZITZA ETA GARRAIO SAILA

### 2231

*59/2022 DEKRETUA, maiatzaren 10ekoa, zeinaren bidez urgentziako deklaratzeko baita Gipuzkoako Foru Aldundiak, nahitaez desjabetzeko, honako eskubide eta ondasun hauek okupatzea: Zerainen, GI-3520 errepidea 2300 eta 2680 KP-en artean zabaltzeko eta hobetzeko proiektuaren proiektu berrikusia (2-EM-27/2020-RP) burutzeko beharrezko ondasunak eta eskubideak.*

Gipuzkoako Foru Aldundiak, «GI-3520 errepidea 2300 eta 2680 KP-en artean zabaltzeko eta hobetzeko proiektuaren proiektu berrikusia (2-EM-27/2020-RP)» delakoaren espediente formalki onartu eta gero, proiektua gauzatzeko lur guztiak erabiltzeko beharra adierazi zuen.

Bide Azpiegituretako Departamentuko foru diputatuak 2021eko azaroaren 24an emandako Foru Aginduaren bidez, honako hau ebatzi zen: nahitaezko desjabetze-espediente hastea eta ondasunen eta eskubideen zerrenda jendaurrean jartzea, hilabeteko epean, prentsan eta 2021eko abenduaren 10eko Gipuzkoako Aldizkari Ofizialean (235. zk.). Geroago, 2022ko urtarrilaren 25ean egindako bilkuran, Gipuzkoako Foru Aldundiak Eusko Jaurlaritzari proiektuak ukitzen dituen eskubideak eta ondasunak okupatzeko urgentziaren adierazpena eskatzea erabaki zuen, Nahitaezko Desjabetzearen Legearen 52. artikuluan ezarritakoa betetzeko.

Urgentziaz okupatu beharreko ondasunak eta eskubideak zehaztuta eta banakatuta agertzen dira espedientean jasotako zerrendan, identifikazioak egiteko datu askirekin agertu ere. Zerrenda hori jendaurrean jarri zen egoki zenean, eta ez zen alegaziorik aurkeztu, administrazio-espedientean adierazten denez.

Zerbitzu teknikoek ikusi dutenez, ez dago espediente izapidetzeko inolako hirigintza-oztoporik.

Ondasun eta eskubide horiek okupatzea luzaezintzat jotzen da, honako arrazoi hauengatik:

GI-3520 «Segura-Legazpi (Motxorro), Zerainen barrena» errepideko 2300 eta 2680 KPen arteko zatiak trazatu bihurtu du eta galtzadaren zabalera ez ditu 4,00 metroak gainditzen luzeraren zati handi batean. Horrek zailtasunak sortzen ditu ibilgailuen zirkulaziorako. Gainera, 2,635 KPan bidepeko erreten-estolda bat dago, drainatze-obra gisa balio duena. Horrek are eta gehiago murrizten du galtzada, eta bertan zabalera erabilgarria 3,50 m-koa baino ez da.

Baldintza geometriko horiek ez dira egokiak. Tarte estua da, trazaduraren homogeneotasuna hausten duena, 5,50 metroko zabalera baitu aurreko eta atzeko aldeetan.

Proiektuak jasotzen dituen lanak gauzatzeak tarte horren segurtasun-baldintzak nabarmen hobetzea ahalbidetuko du.

Aurrez aurreko istripuak izateko arriskua murriztuko du. Gaur egun, bereziki aipatzeko arriskua egoten da eskola-autobusa edo inguruko baserrietako esnea biltzeko eta pentsua hornitzeko kamioiak zirkulatzen ari direnean. Aldi berean, eta ez du garrantzi txikiagorik, oinezkoak galtzadaren ertzetik ibiltzeko aukera emango du. Hori gaur egun ez da batere segurua, galtzadaren estutasuna dela eta.

Euskal Autonomia Erkidegoko Lurralde Antolamenduari buruzko maiatzaren 31ko 4/1990 Legearen 26.1.f artikuluan xedatzen denez, Eusko Jaurlaritzari dagokio nahitaez desjabetu beharreko ondasunak eta eskubideak urgentziaz okupatu behar direla deklaratzeko, nahitaezko desjabetzeak honako

hauek hartzen dituenen: burutze-unitate osoak, lurraldearen hirigintza-antolaketari dagozkion sistema orokorrak edo antolaketa horren elementuren bat eta hiri-lurzoruan egin beharreko banakako jarduketak. Goian aipatutako lege horrek 26.2 artikuluan ezarritakoaren arabera, lurralde-antolamenduaren eskumenak dituen sailburuari dagokio horretarako proposamena aurkeztea Jaurlaritzaren Kontseiluari.

Hori dela eta, Lurralde Plangintza, Etxebizitza eta Garraioetako sailburuak proposaturik, Gobernu Kontseiluak, 2022ko maiatzaren 10eko bilkuran gaia aztertu ondoren, honako hau

#### XEDATZEN DUT:

Artikulu bakarra.– Nahitaezko Desjabetzeari buruzko Legearen 52. artikuluan eta Euskal Herriko Lurralde Antolakuntzari buruzko Legearen 26. artikuluan xedatutakoari jarraituz, nahitaez desjabetzeko, «GI-3520 errepidea 2300 eta 2680 KP-en artean zabaltzeko eta hobetzeko proiektuaren proiektu berrikusia (2-EM-27/2020-RP)» burutzeko beharrezkoak diren ondasunak eta eskubideak Gipuzkoako Foru Aldundiak urgentziaz okupatu beharrezkoak direla deklaratzeko. Berariaz abiartzeko espedientean jasotako zerrendan daude zehaztuta eta banakatuta ondasun eta eskubide horiek.

#### AZKEN XEDAPENA

Dekretu honek amaiera ematen dio administrazio-bideari, eta, beronen aurka, aurretiaz berraztertze-errekurtsoa jar dakioko Gobernu Kontseiluari, hilabeteko epean, edo, bestela, zuzenean, administrazioarekiko auzi-errekurtsoa jar daiteke Euskal Autonomia Erkidegoko Justizia Auzitegi Nagusiko Administrazioarekiko Auzien Salan, bi hilabeteko epean. Epeok dekretu hau argitaratu eta hurrengo egunean hasiko dira.

Vitoria-Gasteizen, 2022ko maiatzaren 10ean.

Lehendakaria,  
IÑIGO URKULLU RENTERIA.

Lurralde Plangintza, Etxebizitza eta Garraioetako sailburua,  
IGNACIO MARÍA ARRIOLA LÓPEZ.